



USAID
OD AMERIČKOG NARODA

**JAVNI POZIV
ZA UČEŠĆE
JEDINICA LOKALNE SAMOUPRAVE U BiH
Poziv III**

Oznaka poziva:	15.02.0-N2.3-15247
Naziv poziva:	Podrška marginaliziranim grupama žena u razvoju biznisa
Datum objave poziva:	3. 2. 2020.
Rok za slanje prijave na javni poziv:	2. 3. 2020. (poštanski pečat najkasnije s navedenim datumom)



USAID
OD AMERIČKOG NARODA

Javni poziv za učešće jedinica lokalne samouprave

Program podrške marginaliziranim grupama (**USAID/PPMG**)¹ Američke agencije za međunarodni razvoj (USAID) poziva jedinice lokalne samouprave u Bosni i Hercegovini da pošalju prijavu na Javni poziv za podršku u implementaciji komponente za **Podršku marginaliziranim grupama žena u razvoju biznisa**.

Jedinice lokalne samouprave prijavljuju se za sredstva USAID/PPMG-a u iznosu koji će se podudarati s njihovim uložnim sredstvima u **Preduzetnički fond za žene** (za I KM koju izdvaja jedinica lokalne samouprave, USAID/PPMG će također izdvojiti I KM).

Sva pitanja koja se tiču ovog javnog poziva dostavljaju se isključivo putem e-mail adrese: prijava@ppmg.ba (subject/predmet: *15.02.0-N2.3-15247, Upit*).

Tekst javnog poziva kao i obrazac prijave na javni poziv dostupni su na web-stranici www.ppmg.ba.

Od zainteresiranih jedinica lokalne samouprave traži se da prijavu na Javni poziv najkasnije **do 2. marta 2020.** pošalju poštom ili dostave lično na adresu:

USAID/PPMG, Ul. 4. viteške brigade 34-36, 71210 Iliđa (na koverti navesti: *15.02.0-N2.3-15247 Prijava na javni poziv – Ne otvarati prije zvaničnog otvaranja prijave*).

Prijave koje ne budu dostavljene na način opisan u Javnom pozivu neće biti uzete u razmatranje.

USAID/PPMG će u pisanom obliku obavijestiti sve prijavljene jedinice lokalne samouprave o ishodu Javnog poziva.

Napomena: Na Javni poziv se ne mogu prijaviti jedinice lokalne samouprave koje su ostvarile saradnju tokom Poziva I i Poziva II u okviru Podrške marginaliziranim grupama žena u razvoju biznisa.

¹Program podrške marginaliziranim grupama (USAID/PPMG) jeste USAID-ov program koji pruža podršku aktivnostima lokalnih organizacija koje se zalažu za prava, osnaživanje i dostojanstvo nedovoljno predstavljenih društvenih grupa u BiH, te jača kapacitete lokalnih nevladinih organizacija, bh. institucija te USAID-ovih implementacijskih partnera za ostvarivanje navedenog cilja.



USAID
OD AMERIČKOG NARODA

Pozadina

U cijelom svijetu za žene u starosnoj dobi između 15 i 44 godine nasilje je jedan od osnovnih uzroka smrti ili invaliditeta. Više od 80 procenata žrtava trgovine ljudima su žene. Više od 130 miliona djevojaka i žena koje su danas žive bile su žrtve genitalne mutilacije. Nasilje nad ženama ne samo da predstavlja grubo kršenje ljudskih prava nego ima i ogromnu socijalnu i ekonomsku cijenu, i podriiva doprinos koji žene daju razvoju, miru i sigurnosti. Ono predstavlja ozbiljnu prijetnju realizaciji međunarodno dogovorenih razvojnih ciljeva, uključujući i Milenijske razvojne ciljeve.

Posljedice ovakvog položaja žene u bosanskohercegovačkom društvu dovode i do nezavidnog položaja žene u bh. preduzetništvu, ekonomiji i privredi. U biznisu je relativno malo žena, a i one koje su uspješne, teško se nose s preprekama koje nameće bosanskohercegovačko, još uvijek stereotipno društvo.

Žene su značajna ali nedovoljno iskorištena snaga u privredi Bosne i Hercegovine. Izraziti nedostatak istraživanja o ženama u privatnom sektoru znači da njihovi problemi i doprinosi nisu dovoljno prepoznati. Pozitivne promjene obuhvaćaju ratifikaciju Konvencije o eliminaciji svih oblika diskriminacije žena i usvajanje ključnih zakona o pravima žena, među kojima su Zakon o ravnopravnosti spolova, Porodični zakon i Zakon o zaštiti od nasilja u porodici. Uprkos pozitivnim zakonima i političkom progresu žene su i dalje u ekonomski nepovoljnijem položaju, te privredi daju manji doprinos od muškaraca. Marginaliziranost žena se očituje i u višoj stopi nezaposlenosti koja iznosi 18,8% naspram stope nezaposlenosti muškaraca od 13,6%. Također, stopa zaposlenosti je znatno viša za muškarce i iznosi 44,6%, a za žene 26,7% prema zadnjoj Anketi o radnoj snazi u 2019. godini.

Ekonomsko osnaživanje žena doprinosi razvoju, stvarajući ekonomske i socijalne prilike od koristi za pojedince, zajednice, države i svijet u cijelosti. U tom smjeru, relevantne institucije, organizacije i međunarodna zajednica u Bosni i Hercegovini, kao i organizacije bh. dijaspore u svijetu trebaju dodatno saradivati.

Okvir

Program podrške marginaliziranim grupama (USAID/PPMG) Američke agencije za međunarodni razvoj (USAID) poziva sve jedinice lokalne samouprave u Bosni i Hercegovini da dostave prijavu na Javni poziv za podršku u implementaciji Programa Podrške marginaliziranim grupama žena u razvoju biznisa, koji je raspisala Američka agencija za međunarodni razvoj.

USAID/PPMG objavljuje javni poziv jedinicama lokalne samouprave za iskazivanje interesa za učešće u provođenju programa za podršku razvoju mikro, malih i srednjih preduzeća kao i seoskih domaćinstava žena žrtava nasilja, samohranih majki, nezaposlenih mladih žena mlađih od 35 godina, žena s invaliditetom ili s djetetom s invaliditetom, te žena koje su na neki drugi način marginalizirane, doprinoseći konkurentnosti lokalnih ekonomija i stvaranju mogućnosti za zapošljavanje teško zapošljivih kategorija. USAID/PPMG i jedinica lokalne samouprave udruženim će sredstvima formirati **Preduzetnički fond za žene.**



USAID
OD AMERIČKOG NARODA

USAID/PPMG će zajedno sa svim odabranim jedinicama lokalne samouprave pripremiti zajednički okvirni koncept koji će se koristiti kao model podrške. Nakon toga će USAID/PPMG podržati jedinice lokalne samouprave u provođenju definiranog modela. U svakoj od jedinica lokalne samouprave USAID/PPMG će održati radionice o pisanju poslovnih planova, načinu popunjavanja prijave i instrukcijama za ciljnu skupinu.

Kriteriji i procedure za apliciranje

Javni poziv je otvoren svim jedinicama lokalne samouprave u Bosni i Hercegovini (JLS) koje ispunjavaju oba sljedeća kriterija:

- JLS osigurat će sredstva za Preduzetnički fond za žene u jednakom ili većem iznosu u odnosu na iznos koji traži od strane USAID/PPMG-a, s tim da je iznos vlastitog učešća, odn. iznos koji traži od USAID/PPMG-a **najmanje 25.000 KM, a najviše 50.000 KM.**
- JLS spremna je **primijeniti model podrške** (koji je razvijen ranije s drugim JLS-ima u BiH, a koji će biti dodatno unaprijeđen), objaviti javni poziv za navedene ciljne grupe i osigurati budžetska sredstva za Preduzetnički fond za žene za podršku odabranim biznisima u toku 2020. godine.

JLS popunjavanjem i slanjem **PRIJAVE NA JAVNI POZIV** prijavljuju se za učešće u programu. Prijava se može preuzeti na web-stranici <http://ppmg.ba/ba/grantovi/otvoreni-pozivi>.

Jedinice lokalne samouprave osigurat će da ugledni predstavnici lokalnog poslovnog sektora budu uključeni u proces odabira biznisa koji se prijave po javnom pozivu jedinice lokalne samouprave, kao i da budu spremni pružiti savjetodavnu podršku ženama tokom procesa podrške.

Predstavnik/ca USAID/PPMG-a bit će uključen u komisiju za odabir biznisa koji će biti podržani programom.

Modalitet procesa upravljanja sredstvima, praćenja provođenja poslovnih planova kao i izvještavanja bit će zajednički definiran između odabranih JLS i USAID/PPMG-a.

Najmanji iznos koji se traži od USAID/PPMG-a od strane jedinice lokalne samouprave je 25.000 KM, a najviši 50.000 KM.

USAID/PPMG će provesti finansijsku provjeru i reviziju podržanih biznisa.

Potpisivanje ugovora između USAID/PPMG-a i odabranih JLS bit će upriličeno tokom marta 2020., a jedinice lokalne samouprave obavezne su raspisati javni poziv za biznise žena roku od 45 kalendarskih dana od dana potpisivanja ugovora s USAID/PPMG.

Sva **pitanja** koja se tiču ovog javnog poziva dostavljaju se isključivo putem e-mail adrese: prijava@ppmg.ba (subject/predmet: *15.02.0-N2.3-15247, Upit*).



USAID
OD AMERIČKOG NARODA

Napomena: Na Javni poziv ne mogu se prijaviti jedinice lokalne samouprave koje su bile odabrane tokom Poziva I i Poziva II u okviru Podrške marginaliziranim grupama žena u razvoju biznisa.

Rok za dostavljanje prijave na javni poziv

Od zainteresiranih JLS se traži da prijavu na Javni poziv najkasnije **do 2. marta 2020.** (poštanski pečat najkasnije s navedenim datumom) pošalju ili dostave lično na adresu:

USAID/PPMG, Ul. 4. viteške brigade 34-36, 71210 Ilidža (na koverti navesti: **15.02.0-N2.3-15247**
Prijava na javni poziv – Ne otvarati prije zvaničnog otvaranja prijave).

Prijave koje ne budu dostavljene na način opisan u Javnom pozivu neće biti uzete u razmatranje.
Prijave na Javni poziv koje pristignu nakon navedenog roka kao ni prijave na neodgovarajućim obrascima neće biti uzete u razmatranje.

Ishod javnog poziva

Nakon što Komisija ocijeni i rangira sve pristigle prijave, USAID/PPMG će u pisanom obliku obavijestiti sve prijavljene jedinice lokalne samouprave o ishodu Javnog poziva.

One prijave koje budu pozitivno ocijenjene, ulaze u fazu pregovora i fazu potpisivanja ugovora.